



19 Julie 2018

Beste Ouers,

Baie welkom terug na die Junie/Julie skoolvakansie en baie sterkte vir die kwartaal wat met ons is. Neem asb. kennis van die volgende baie belangrike inligting.

Kwartaalprogram

Die kwartaalprogram word aangeheg, met die inligting van die kwartaal wat daarop aangedui word.

Personeelveranderinge

Monica Havenga het 'n pos aanvaar by die gemeente en het daarom bedank as middag sekretaresse. In haar plek is Madeleine Schutzler aangestel en ons wil haar graag verwelkom as deel van Uitsig Kleuterskool.

Dit spyt ons ook om u mee te deel dat Stefnie Guse bedank het as Bestuurshoof van Uitsig Kleuterskool. Haar pos word geadverteer en sal so gou moontlik gevul word. Persone wat belangstel om aansoek te doen vir die pos is welkom om die Kleuterskool te kontak vir inligting rakende die vereistes en aanbevelings vir die pos. Die sluitingsdatum vir aansoeke is Maandag 30 Julie. Daar is 'n tussentydse reëling getref vir die verdeling van haar werk en enige navrae kan gerig word aan een van die twee sekretaresses. Soggens kan Rene Kilian gekontak word en smiddae Madeleine Schutzler.

Fondsinsamelingsprojekte

Dit is vir ons aangenaam om u te kan meedeel dat die Kermis en Pretstap 'n wins van R 22 600 getoon het en die Bierproe 'n wins van R 5 100. Baie dankie aan aan alle ouers wat 'n bydrae gelewer het tot dié twee geleenthede.

Kleuterzone nasionale kampioenskappe

Die skool wil graag bevestig dat die geleentheid op Saterdag 28 Julie in Uitsig Kerk se ouditorium plaasvind. Die kinders van klasse wat aan die kampioenskappe gaan deelneem moet asb. reeds 10:00 in die kerk se Saal aanmeld by die produksiebestuurder. Almal moet asb. reeds aangetrek wees, soos deur die klasjuffrouens gereël. Klere wat aan die skool behoort moet ook weer die Maandag aan die skool terug besorg word. Ouers word versoek om asb. toe te sien dat daar vir hulle kleuters 'n broodjie en iets te drinke ingepak word (ASB niks wat kan mors op hulle klere nie). Kleuters sal tydens die vertoning in die waglokale deurbring totdat hulle roeptyd is om verhoog toe te gaan. Die konsert begin 12:00 en behoort teen ongeveer 14:00 klaar te maak. Sodra die kaartjies vir die geleentheid ontvang word, sal dit aan die ouers wat kaartjies gekoop het, gestuur word.

Ontbytreëlings

Ons wil graag bevestig dat ontbyt net tot 08:30 bedien word en wil vriendelik versoek dat ALLE kleuters op die laaste teen dan by die skool sal wees. Die skool se roetine word baie ontwrig deur kleuters wat eers daarna kom.

Webtuiste

Dit is vir ons aangenaam om ouers te kan meedeel dat die nuwe webtuiste van die skool binne die volgende week lewendig sal wees. Hou gerus die volgende spasie dop: www.uitsigkleuterskool.co.za Ons wil graag van tyd tot tyd fotos van ons kinders en van geleenthede op die webtuiste plaas en versoek ouers wat nie wil hê dat 'n foto van hulle kind(ers) geplaas word nie, die skool hieroor in te lig.

Vriendelike groete
Louis Minnaar